



**Қазақстан Республикасының Үкіметі мен Польша Республикасының Үкіметі
арасындағы Сауда-экономикалық ынтымақтастық туралы келісімді бекіту туралы**

Қазақстан Республикасы Үкіметінің қаулысы 1997 жыл 4 наурыздағы N 295

Қазақстан Республикасының Үкіметі қаулы етеді:

1992 жылғы 14 қазанда Алматы қаласында қол қойылған Қазақстан
Республикасының Үкіметі мен Польша Республикасының Үкіметі арасындағы
Сауда-экономикалық ынтымақтастық туралы келісім бекітілсін.

Қазақстан Республикасының
Премьер-Министрі

Қазақстан Республикасының Үкіметі мен Польша
Республикасының Үкіметі арасындағы Сауда-экономикалық
ынтымақтастық туралы
КЕЛІСІМ

Қазақстан Республикасының Үкіметі мен Польша Республикасының Үкіметі, бұдан
былай Уағдаласушы Тараптар деп аталады, екі ел арасындағы теңдік пен өзара
тиімділік принциптеріне негізделген сауда қатынастары мен экономикалық
ынтымақтастықтың тұрақты да үйлесімді

дамуы үшін қолайлы жағдайлар туғызуға ұмтылып, осы Келісімді жасасуға
ұйғарды және мыналар жайында уағдаласты:

1-бап

Уағдаласушы Тараптар екі елдің арасындағы өзара экономикалық
және сауда қатынастарын дамытуға Уағдаласушы Тараптар елдерінде
қолданылып жүрген заңдарға сәйкес жәрдемдесетін болады.

2-бап

Уағдаласушы Тараптар бір-біріне Уағдаласушы Тараптар елдерінде шығарылған тауарлардың импорты мен экспортында үшінші елдердің тауарларына қатысты қолданылатындай мейлінше қолайлы жағдайлар туғызатын болады.

Жоғарыда баяндалған қағида Қазақстан Республикасы немесе Польша Республикасы:

- а/ көрші елдермен шекаралық саудада жүзеге асыру үшін;
- б/ Қазақстан Республикасымен немесе Польша Республикасымен бірге аймақтық экономикалық ұйымдарға, кедендік одақтарға, еркін экономикалық аймақтарға, оның ішінде еркін сауда аймақтарына қатысушы немесе қатысатын елдерге байланысты берген немесе беретін артықшылықтарға, жеңілдіктер мен игіліктерге қолданылмайды.

3-бап

Халық шаруашылығының барлық сауда салаларындағы ынтымақтастық:

- бірлескен кәсіпорындар мен ұйымдар құру және дамыту;
- коммерциялық байланыстарды дамыту;
- мамандар алмасу;
- консалтинг бойынша қызмет көрсету;
- сауда-өнеркәсіп көрмелері мен жәрмеңкелерін ұйымдастыру;

- ынтымақтастықтың өзара мүдделілік туғызатын басқа да нысандарын ұйымдастыру жолымен жүзеге асырылатын болады.

4 - б а п

Тауарлар беріп тұру мен қызмет көрсету, бір жағынан Қазақстан Республикасының заңды ұйым мәртебесі бар шаруашылық жүргізуші субъектілері мен келесі жағынан Польша Республикасының шаруашылық жүргізуші субъектілері, бұдан былай олар "Субъектілер" делінеді, арасында жасасылған контрактілер негізінде халықаралық саудада қолданылып жүрген принциптер мен шарттарға сәйкес жүзеге асырылады.

5 - б а п

Қазақстан Республикасы мен Польша Республикасы арасындағы есеп айырысулар мен төлемдер халықаралық саудада және қаржы тәжірибесінде қабылданған шарттарға сәйкес еркін айналыстағы валютамен жүргізілетін болады.

Уағдаласушы Тараптардың тиісті органдарының уағдаластығы бойынша есеп айырысулар мен төлемдер, сондай-ақ Уағдаласушы Тараптар елдерінде қолданылып жүрген заңдарға сәйкес өзгедей нысанда да жүзеге асырылуы мүмкін.

6 - б а п

Уағдаласушы Тараптардың тиісті органдары екеуара принциптер негізінде Уағдаласушы Тараптар елдерінің заңдарына сәйкес субъектілерге өзара сауданы дамытуға ықпал ететін өкілдіктер, бюролар, стансалар мен техникалық қызмет көрсету пункттерін құруға, сондай-ақ сыртқы экономикалық қызметтің өзге де мәселелерін шешуге жәрдемдесетін болады.

7 - б а п

Уағдаласушы Тараптар елдерінің құзырлы органдары Уағдаласушы Тараптар елдерінде қолданылып жүрген сыртқы экономикалық қызметті реттеу саласындағы заңдар мен басқа да нормативтік актілер туралы ақпараттармен жүйелі түрде алмасып отыратын болады.

8 - б а п

Осы Келісім Уағдаласушы Тараптар елдерінің әрқайсысы мүше болып отырған басқа Халықаралық Келісімдерден, Конвенциялардан, Шарттар мен Хаттамалардан туындайтын міндеттемелерге қайшы келмейді.

Уағдаласушы Тараптар келесі Уағдаласушы Тараптың мүддесіне қатысты болатын Уағдаласушы Тараптар қол қойған жаңа халықаралық құжаттар туралы ақпарат алмасып тұрады.

9 - б а п

Берілетін тауарлар Уағдаласушы Тараптар елдерінің заңдарына сәйкес экспортқа шығарушының немесе экспортқа шығарушы елдің құзырлы органдарының алдын-ала берген жазбаша келісімі арқылы ғана үшінші елдерге қайтара экспортқа шығарылатын болады.

10 - б а п

Уағдаласушы Тараптар бірлесіп Аралас Комиссия құрады. Комиссия осы Келісімнің қағидаларын жүзеге асыруды талдайтын, экономикалық ынтымақтастықты кеңейтудің қосымша мүмкіндіктерін іздестіретін, экономикалық ынтымақтастықты дамыту барысында туындауы мүмкін проблемалардың шешімін ұсынатын болады.

Комиссия қажетіне қарай, бірақ жылына бір реттен сиретпей, кезегімен Қазақстан Республикасы мен Польша Республикасында жиналып отырады.

1 1 - б а п

Осы Келісім Уағдаласушы Тараптар елдерінің заңдарына сәйкес күшіне енгізіледі, мұның өзі ноталар алмасу жолымен қуатталады.

Соңынан келіп түскен нота алынған күн Келісім күшіне кірген күн болып саналады.

Уағдаласушы Тараптардың бірінен ұсынысы бойынша олардың өзара келісімі арқылы осы Келісімнің өзгертілуі немесе толықтырылуы мүмкін.

Осы Келісім беймағлұм мерзімге жасалады.

Уағдаласушы Тараптардың қайсысының болсын өтініші бойынша оның

бұзылуы мүмкін және ол бұзу туралы нота алынған күннен бастап алты ай өткеннен кейін күшін жояды.

Осы Келісімнің күшін бұзған жағдайда оның қағидалары осы Келісім күшінде тұрған кезде қабылданған барлық міндеттемелер толық орындалғанға дейін қолданылатын болады. Алматыда 1992 жылғы қазан айында 14 жұлдызында әрқайсысы қазақ, поляк және орыс тілдерінде екі түпнұсқа данада жасалды, әрі үш текстің да күші бірдей.

Уағдаласушы Тараптар арасында осы Келісімді пайымдау жөнінен алауыздық туған жағдайда Тараптар орыс тіліндегі тексті басшылыққа алады.

Қазақстан Республикасының
Үкіметі үшін

Польша Республикасының
Үкіметі үшін

